



## Siumut sinnerlugu Inatsisartunut ilaasortat Kaj Lyberth aamma Anders Olsen

### § 37-imut tunngatillugu Kujataani angallanneq pillugu apeqquteqaammut akissut

Asasakka Kaj Lyberth Anders Olsen-ilu

Qujanaq kujataani angallanneq pillugu apeqquteqaatissinnut ima oqqaasertalimmut:

#### Kujataani immakkut angallanneq qanoq aaqqiiviginiarneqarpa?

Kujataani angallanneq qulimiguullit atorlugit angallassinermik annertunerusumik tunngaveqarpoq. Angallaviilli ilaanni Arctic Umiac Line A/S-ip angallatai aamma atorneqarsinnaapput.

Namminersorlutik Oqartussat Air Greenland A/S Kujataani illoqarfiit nunaqarfiillu akornanni timmisartuussisarnissaq pillugu 2005-imi isumaqatigiissuteqarfigaat. Kiffartuussinissamik isumaqatigiissut taanna 2013-imiit 2014-imut atuuttussanngorlugu sivitsorneqarpoq.

2005-imi maannamut atuuttumik isumaqatigiissusiortoqarmat, timmisartuussisarnerit ilarpasui qulimiguullinnit S-61-iniit ingerlanneqarput. Qulimiguullit taakku pisoqalinerat pissutaalluni iluarsartuariaqalermata, ilaasunik angallassinermut atuinnaarnissaat akitsoraluttuinnarpoq. Tamanna pissutigalugu qulimiguullit S-61-it 2013-imiit qulimiguullinnik minnerusunik Bell 212-nik taarseqarput.

Qulimiguullit Bell 212-it atuutilersinniarnerat apeqqutissinni aamma tunngavilersuutigaarsi, Kujataani kinguaattoornernik kinguneqarpoq. Kinguaattoornernut taakkununga ilaatigut januaarip pisarnermit silarlunnerunera patsisaavoq.

Akissuteqarnissamut atatillugu allaffissornikkut ingerlatsivitta pilersaarutinut sanilliullugu angallassinerup qanoq ingerlanera pillugu paasissutissanik nutaanik pissarsiniarluni, Air Greenland A/S attavigaa. Ataani tabelini marlunni januaarip arfineq aappaaniit februaarip qulinganut kiisalu marsip aqqarmaniit apriliip 14-anut 2013 timmisartuussinerit timmisartuussinissaraluillu taamaatinartariaqakkat takuneqarsinnaapput:

7. januar-10. februar 2013					
	Pilersaarutaasut	Naammassineqartut	Netto taamaatiinnakkat	Naammassineqartut %	Taamaatiinnakkat %
Narsaruaq	128	116	12	90,6	9,4
Narsaq	84	71	13	84,5	15,5
Qaqortoq	172	147	15	85,5	8,7
Nanortalalik	64	49	15	76,6	23,4

Tabeli 1.

13-05-2013  
Sags nr. 2013-082725  
Dok. nr. 1193363

Postboks 1160  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pn@nanoq.gl  
www.nanoq.gl

**11. marts-14. april 2013**

Pilersaarutaasut	Naammassineqartut	Netto taamaatiinnakkat	Naammassineqartut %	Taamaatiinnakkat%	Pilersaarutaasut %
<b>Narsarsuaq</b>	132	136	-4	103,0	-3,0
<b>Narsaq</b>	84	81	3	96,4	3,6
<b>Qaqortoq</b>	192	189	3	98,4	1,6
<b>Nanortalik</b>	52	57	-5	109,6	-9,6

Tabeli 2.

Sap. ak. angallassinerup qanoq ingerlanera silap qanoq innera apeqquataatillugu allanngorartooq, Air Greenland-ip erseqqissaatigaa. Timmisartuussinerit taamaatiinnakkat ikinnerunerat immikkut timmisartuussisoqarsimaneranik patsiseqarpoq. Timmisartuussinissat taamaatiinnakkat amerlassusaat assersuukkaanni angallassinerup tutsuiginassusaata pitsanngoriaateqangaatsiarsimanagera nalinginnaasumik takuneqarsinnaavoq.

Siunissamissaaq Kujataani angallannerup sila ajortinnagu tutsuiginarluartuunissaa Naalakkersuisut neriuutigaat.

Qulaani takuneqarsinnaasutut kiffartuussinissamut isumaqatigiissutit atuuttut 2014-ip naanissaata tungaanut atuupput. Namminersorlutik Oqartussat ilaasunik angallassinermut atatillugu kiffartuussinissamut isumaqatigiissusiomeranni, aningaasaliissutit aallaavigalugit najukkani innuttaasunik pitsaanerpaamik sullissinissaa qulakkearniarneqartarpoq. Najukkani innuttaasut angalanissamut pisariaqartitsinerat qititinneqarmat takomarissanit sallinneqarput.

Angallanneq pillugu siunissamut pilersaarusionermermi sapinngisaq tamaat innuttaasut pisariaqartitaat naapertorlugit aaqqissuussinissaa anguniarneqassaaq.

Tamatumunnga atatillugu Kujataani immakkut angallassinerup ilanngunneqarsinnaanissaa isumaliutersuutiginiarneqarportaaq, maannamuugallartorli timmisartukut angallassineq toqqammavigineqassaaq.

Naalakkersuisut Kujataani angallannerup aaqqissuussivigineqarnissaanut qanoq pilersaaruteqarnerat pillugu apeqquateqaatissinnut, qulaani nassuiaatit neriuupunga naammaginartut.

Inussiarnersumik inuulluaqqusillunga

Steen Lyngé